

九姓行哀截耳璫

枷上羅衣不重香

可昔未殃宮裏女

嫁來胡地碎紅粧

首領盡如雲雨集

異口皆言鬪戰場

寒風入帳聲猶苦

曉日臨行哭未殃

昔日同眠夜卽短

如今獨寢覺天長

何期遠、離京兆

不憶冥、臥朔方

早知死若埋沙裏

悔不教君還帝鄉

表奏龍庭

勅未至單于喚丁寧塞上衛律令知葬事一依蕃法不取漢儀棺

擲穹廬更別方圓千里之內以伐醮薪周匝一川不案□馬且有

奔馳勃律阿寶蕃人膳主犂牛兼能煞馬醞五百瓮酒煞十萬口

羊退犢燂馳飲食盈川人倫若海一百里鋪氍毹毛毯踏上而行

五百鋪金銀胡瓶下脚無處單于親降部落皆來傾國成儀乃葬

昭軍處若爲陳說

詩書旣許禮緣情

今古相傳莫不情

漢家雖道生離重

蕃冢猶死葬輕

單于是日親臨送

部落皆來引仗行